

rimanessero sul nostro, et *etiam* per aver carne, chè la terra molto pativa.

Fu posto, per li savij diti, do decime al monte, vechie, qual se intendi per l'anno futuro, e si possi pagar di arzenti a li governadori fra il termine; e quelli pagerano in contadi, habino il dom di arzenti, *ut in parte*. E fu presa.

Fu posto, per li savij, una letera al provedador Capello, *ut in ea*. Et perchè sier Francesco Trun, el consier, volea scriver di tuor il signor Marco Antonio Colona per nostro governador, atento Lucio Malvezo O valeva, comme con effeto non val, et è infranzosao, et sta a Montagnana, parloe contra la letera, qual scrivea, dovesse veder si Marco Antonio Colona volesse venir a i stipendij nostri. Or il primo che parloe fo sier Santo Trun, di sier Francesco, che viem in pregadi, e ben li rispose sier Lubardo Emo, fo sopracomito, e disse la condition di Marco Antonio Colona, cargandolo assai, non fa per la Signoria nostra. Parlò poi sier Francesco Trun, el consier; li rispose sier Piero Balbi, savio dil consejo. Hor il Trun non volse meter la sua opinion, et fu presa la letera, e comandà grandissima credenza.

Fu posto, per li savij, elezer de presenti per scurtinio, con pena, provedador a Padoa, con ducati 100 al mexe, 6 cavali, et sij sora la fortification et altre cosse, achade, et fu presa; et rimase sier Christofal Moro, fo podestà a Padoa, *quondam* sier Lorenzo, et, fu messo, si parti in termine di zorni 3. Et questo è il scurtinio di quelli fonno tolti.

*Electo provedador a Padoa, con ducati 100 al mexe, justa la parte.*

Sier Zuam Diedo, è provedador su el Polesene, *quondam* sier Alvise.

Sier Alvise Barbaro, è provedador sopra le fortification di Padoa, *quondam* sier Alvise, el cavalier, provedador.

Sier Piero Duodo, el consier, *quondam* sier Lucha.

Sier Gasparo Malipiero, fo avogador, *quondam* sier Michiel.

Sier Piero Capello, fo savio dil consejo, *quondam* sier Zuam, procurator.

† Sier Christofal Moro, fo podestà a Padoa, *quondam* sier Lorenzo.

Sier Francesco Capello, el cavalier, fo provedador zeneral, *quondam* sier Christofolo.

Sier Antonio Zustignam, el dotor, fo cao dil consejo di X, *quondam* sier Polo.

Sier Alvix Malipiero, el consier, *quondam* sier Jacomo.

Sier Zuam Paulo Gradenigo, fo provedador zeneral in campo, *quondam* sier Zusto.

Sier Zorzi Emo, fo savio dil consejo, *quondam* sier Zuam, el cavalier, fo soto.

Sier Anzolo Trivixam, fo capetanio a Padoa, *quondam* sier Pollo.

Sier Andrea Loredam, fo luogotenente in la Patria, *quondam* sier Nicolò.

Non. Sier Domenego Trivixan, el cavalier, procurator, savio dil consejo.

In questa sera fo expedito Schiaveto, contestabile, con 150 fanti, et mandato a Padoa a custodia di quella terra. E *continue* a Padoa, dentro e di fuora, si lavora, e vien fortificata. 106

*Di sier Sigismondo di Cavalli, provedador executor, vidi letere, date a Colonia, a di 28, drizate a Lunardo Ruzieri.* Come, a di 22, ave noticia, dal governador zeneral, dovesse star in hordine con quelli cavali lizieri; et, a di 23, hebbe ordine, dal dito, de cavalchar su le rippe di l' Adexe, e parendoli dovesse passar de là, per far spale a li guastadori, non li dechiarando cossa alcuna di quanto l'havea a far, *unde immediate* cavalchoe e passoe di là di l' Adexe, e andò a la villa de Bonavigo, dove era l' hordine che li guastadori se h'aveva a ritrovar. E stando li, fin a meza notte, e non vedendo procieder o, deliberoe passar, solo, de qua a Bonavigo, per intender da sier Alvise Bembo, che li se ritrovava, che hordine era. Dal qual intese, esser venuto per taiar l' Adexe, acio quelli di Verona non potesse dar soccorso a Lignago, si de vituaria, come di altro, e che 'l non trovava loco apto a far tal taiata. Di che molto si dolse, non haver inteso tal deliberation, perchè za la taiata saria stà facta per la praticia l' ha di dieti lochi, e menoe dito sier Alvise Bembo di là, e mostroli il loco aptissimo a far tal effecto; ma, per esser apresso zorno, tornono a Bonavigo, e fu nel far di l' alba; e, passati tutti li cavalli lizieri di qua, de li cercha horre 2, vene il governador zeneral, con el qual fo concluso de far tal taiata; e, quella instessa matina, azonse li inimici da Verona, di là di l' Adexe a la Tomba, ch' è per mezo Albarè, con cavali 300, fanti spagnoli 250 et boche 5 de artellarie, per la qual cossa quella sera si transferi, esso provedador, ad Albarè con alquanti cavali lizieri, e, levati li nimici, che tornono a la via di Verona, a di 26, lui, quella notte sequente, passò di là di l' Adexe con alquanti cavali lizieri et 14 gua-